

Jun 6 24 1898

大清光緒廿四年

本館新聞除禮拜外每日出版一  
紙外埠均可函致本館取  
閱如外埠閱報加寄費不  
也除日本英法各國外復  
借工本從英法各國採辦  
刊印各器以待與各官紳  
體活字及各式花邊等延  
西人排印工藝甚精所有  
印字大小機器均用精工刊

第五千零三十六號

# 申報

本館開設在舊巴武口門牌第七號

印工級倫並延有文士書  
寫各體文字現由上海購  
刊佈所有各項其甚相宜  
本館所登各項原稿其有  
世道人心者附登其亦須  
礙於人而後始錄其有護  
成文以及支離費解者概  
登錄嗣後諸君來札尚祈  
自諒更須寫真里而後敢  
將原稿收回也本館謹白

戊戌七月廿一日

英大一千八百九十八年九月六號拜二 每張售錢五文每月一元 每日售錢五文

### 答各問徐大史應賢是否實效

南海區茂才金鑾其留心西學運以巧思遂精於製造各器蓋已素有所聞矣徐公花農典試粵東茂才以  
才自獻大加賞識任滿後專摺奏聞此光緒二十年事也旋於明年電 諭粵督譚官保命其飭驗如果屬  
實即給給赴京乃事隔三年茂才仍未就聘近復由徐公再奏旋發明 諭催速趨程是乃特達之知茂才  
庶從此自見乎或見徐摺而疑之詰余問曰區茂才之受知於徐公想必微而後信故一奏再奏引之出山  
惟摺內所陳恐亦言過其實者吾聞泰西諸藝師之別成一器也快則數年或數十年甚至貽諸子孫然後  
竟其業或中途缺本再接乃成其艱難創造蓋一至於斯茂才即有所因引伸而出然非熟會諸法運以匠  
心或有不長再為更變凡此時日始亦久矣茂才於誦讀之暇以游藝及之何其成功如此之速乎且每製  
一器非備辦諸物則無以董其成即有精康煖鐵之能猶須向泰西購取則前後所糜之費殆亦多矣茂才  
之業與舊書尚有未盡符合者乎此以事理衡之而可疑者也電學之深奧與吾雖未曾問津然車必有輪輪  
必因地旋轉從不用鐵軌如馬車之可以紛馳顯必出途始可縱橫無礙如高階不等將何以展輪可知其  
軍報快車勢須擇地又輪船以電氣鼓輪較諸用煤氣者其馬力可至二千倍有奇惟以吾所聞則日氣盛  
則輪速輪速則行疾然非有巨器以納其氣則磅礪不定今快至二千倍試問其所用之機器當作何式而  
實能容之耶機器大則船亦大恐不能通行此以物理衡之而可疑者也其數疑非目擊不敢決而徐公  
所云試之果驗者僅曰水饋水車而所謂電船則祇見其駕駛波濤如履平地而已然則於二千倍馬力之  
也學東初建機器局由溫觀察子紹倡之眾望所歸終亦未完所望蓋少見則多怪河東白豕所以竊竊自  
奇今據徐公所上之薦書茂才亦知望之者深責之者重即吳江楓落楚岸霜橫見面聞名殊深自惕耳先  
生高明其有以釋我之疑而望天下之信乎余曰君真拘腐者夫宇宙間奇能異技所在皆有安知區茂才  
所學不遠出泰西之上哉無所師而為之與有所本而化之其事半功倍理有固然況華人之性較各國為靈  
融會貫通自能出神而化特患其力有未果三年不專耳茂才夙抱異才預知時勢之所向遂以心思材  
力習成專門恐徐公所言猶未盡其能事也彼之三年不應召者始如漆離關之可以仕而猶以未信持之  
精益求精乃不至登車輒越徐公之薦肯以標榜而失知人之明耶想必有可觀者惟惜徐公摺內未免過  
於鋪張如曰似有其才尚待覆驗則較為得體而茂才亦易就試也大抵徐公之意將曰不如此力薦無以  
堅 主上之知獨不思時事倥傯求賢若渴即片長可錄猶當搜羅况其為超絕羣倫工師之最巧者哉然  
則課在徐公勿輕疑茂才可矣或尚欲有所問余以不暇辭之乃退

### 籌辦官報

○孫家驊跪 奏為遵 旨覆陳恭摺仰祈 聖鑒事本月十六日工部主事康有為  
轉傳軍機大臣面奉 諭旨令將籌辦官報事宜與孫家驊說臣詢之康有為云時務報之設經費皆由士  
夫捐助今改為官報則無人捐款此報前經湖廣督臣張之洞等札行州縣閱看每州縣每年報費共出洋  
銀四元未便驟增至十二兩兩捐既無價又難增既為官報自應撥以官款擬照官書局月撥千金請 旨  
飭下兩江督臣在上海洋務局按月撥交官報局一千兩以資經費另撥經費六千兩以資開辦官報既發  
明國是民隱各省督撫令司道府州縣文武衙門一律閱看用報若干分將報費解送上海官報局按期照  
數由驛遞交各省會分各衙門每年報費仍收四元仍按湖廣督臣張之洞舊例由善後局先行墊解官  
報局以資辦公至報律由康有為採譯各國報律交臣進呈 御覽恭候 欽定臣以為康有為所籌事向  
可行請 俯如所請謹具摺陳明伏乞 皇上聖鑒謹 奏奉 旨欽此

○近錄美班二國在於巴黎會商和約故由美廷電調文尼刺陸軍統領迷力赴法共  
議飛獵邊島之事各節均已列登前報茲接香江西東云迷統領於十八日已由香港附搭舟山郵輪西渡  
計至廿三日即能過叻矣



請擴版圖 ○新金山來信云雪梨省寓居諸美人現在電致華盛頓都城求請美廷必須將小呂宋地割入版圖云云民心如此諒美廷亦不難於樂從所爭者不過法國之意若何耳

意見各殊 ○都門來信云風聞中朝經與俄國訂立密約凡諸火車概由俄人管理而水陸師亦均請俄整頓而英人則謂蘆漢鐵路所以改由比國承造者均係李傅相所唆弄聞英相西釐君擬向中朝請黜傅相之職然法國於此一事則私心竊慰因此路若由比國承辦則英國在洋子江之利權可以因之而替且比國之款多係法人資本故也至於德國則尤為喜怗因英國在洋子江之權一失則德在東方可以橫行無忌故也

北直要聞 ○津門來信云現在英國諸艦會集威海聲勢甚雄是緣英國駐華公使現強中朝照其前者與英商所定條約交由該商承造蘆漢鐵路恐有別國越分相干故特調集諸艦以為之備現在中英之事甚為汲汲然英國駐俄公使現與俄廷商議英俄兩國分界之利權則尚屬和衷也

預備詰詞 ○本坡議政局紳大狀師麥敬疏昨曾通知輔政使司云欲定於本日在於局內詰問叻地烟公司之事茲將擬問各條譯登如左

- 一現在承充本坡烟碼之商售賣一兩以下之烟其價過於約內所定每錢沽銀二角六占之價國家曾知其事否
- 二現在烟公司所煮之烟每廿五兩至三十兩內應承糖一兩至二兩國家亦知之否
- 三本屆公司承充後國家化學師曾有照第八款之律聲明該公司所預備發售之烟無可置議否如有之則請問此語係何時宣佈及該化學師曾有用化學致驗其烟膏云其烟辦可如前公司之式及照第八條之律而行否
- 四國家曾否有聞前一二屆之烟公司於叻地經領牌照之烟舖售賣烟膏每重三分賣銀八占乃自一千八百九十八年七月一號以後欲向已領牌照之烟舖再售三分之烟已不可得而本屆烟公司於西本年七月一號起售賣烟膏或足四分之重或不足四分之重其售價在一角二鋪之數

五國家曾否有聞本屆烟公司零售之烟以改賣四分之時起每日有增售銀一千七百元之事  
六國家曾否有聞本坡諸華人工役因所購之烟不能在四分之下以致眾心大忿及他式人等因此一事定必大受其累以致心甚憤懣因其強諸吸烟之人購買烟膏逾其所吸之量故也

七國家曾否接有本坡參事局稟報云諸吸烟之人現在不能復購三分之額等如有之求將此稟及國家復答之稿交出本局俾眾同觀  
八本坡國家曾否接有實得力會理事人稟訴此等情形如有之亦求將其稟詞及國家覆答之稿發到本局俾眾同觀

九國家知否本坡諸領牌之烟舖及烟公司所有零售一錢之下之烟其銷場之大而其售價以每四分售銀一角零二鋪核算則該承餉人實未照約每錢售銀二角六占之數而該公司因此一項每年可增得利七萬二千元之譜

十國家曾否有設法常將領牌諸烟舖零售每包四分之烟為之試驗看其否能足重又國家曾否聞得此等烟包之重實不能足四分否  
十一國家曾否因公眾利益起見籌及整頓零售烟膏之重數以便保護吸烟之人而承餉人不得於其所立之約為之增價及承餉之人能如買者之意照售若干其最少亦能如舊公司之重式否

十二本坡國家肯照一千八百八十六年所立第一章查核章程求請制軍委派人員往查本坡烟公司現在所賣之烟每一百分能有照其約內所言每十分售銀二角六占否及現在所售之烟有經由本坡化學師查驗其有如前公司所售之式否又本屆烟公司所售之烟果有糞雜水糖及由中國載來之四川低土否又本屆烟公司不允售賣四分之烟與眾以致眾心忿怒則可以向本屆承餉人令其按照舊公司之式零售以三分起算或不然則將一千八百九十四年所立之章再行增改以強該承餉人所售之烟由三分售起并查考本屆公司所售烟灰佳否及其買價若干實價若干

小呂宋郵耗 ○香港華字報轉譯西報云小呂宋自為美軍佔據後仍照舊例征稅港地及別處商家皆有不悅色焉前時西班牙以外洋貨物入境特科以重稅今美國得此地方宜薄其稅斂火水一項香港價值一元九角小呂宋非二元零五仙士不能出售麵粉每包征稅七角初香港聞美國戰勝據有其地即附貨前去牟利不圖美人仍照舊征稅港中巨商曾往見美總領事請速致書鎮守小呂宋之美將軍

迷力減輕稅項庶免商人吃虧甚巨又英國戰艦負色尼昨從小呂宋抵港據稱美人今得小呂宋亦不免創始維艱現時迷力將軍暫權總督之職仍居班督署中宜連將軍管理糧務麥亞打將軍司刑晏打將軍專理亂黨事務副將韋達管理稅務恭將義利葛管理船務西班牙捕現尚留用至亂黨入城不准執軍械亂黨魏拿多甚不悅意又禁止美人不得越入亂黨境界彼此一律相待又現時該處之自來水源係歸黨人所掌握縱自執其權不願釋手黨魁現有數款請於迷力將軍署云擬改教堂為黨人營房又美國治權不得在文尼刺城之外又亂黨

入境可佩帶軍械美人所得亂黨軍械可否交還水滙可否仍歸亂黨統制又亂黨武弁入文城可否隨帶軍器以上各款迷力將軍均不允許

現時黨人雖與美軍不甚相能惟尚無欲逞干戈之事云

擬期出榜 ○京友來信云自詔改鄉會試八版文字為策論後所有出榜日期間禮部議以首場限十五六日二三場均限十日考至三場人數已少許務庵向書於所議章程十一條中添入一條凡三場士子坐號均在至公堂下以便監臨監試嚴密稽察杜絕傳槍諸弊故向例三場不甚看重者此後則以三場最嚴大約月內須具摺奏聞矣

另籌貸款 ○前者本報曾登 朝廷准容觀察閱之請由鎮江築鐵路至天津其款貸自美利堅國茲者西字報云當時此事已將就緒忽德人索取膠州灣聲言此路若繞出山東必歸德人經理以致築路之事幾於中輟迨後美國又與西班牙國交戰更無暇與觀察會籌今者觀察另謀之英德兩國創設公司糾集五兆磅英金以修此路其利常年四釐有半大約可望成功矣

請兵剿匪 ○八閩來信云閩省之建寧府屬風聞有匪徒糾眾擾閭閻情事經紳耆等環請地方官速派差役前往竭力彈壓又汀州府屬之武平縣與江西建平縣界毗連近日亦有土匪聚眾劫掠地方官未能解散因已稟請省憲派勇星馳前往想賊眾小醜不難瓦解冰消也

俄勢日逼 ○日本友人來信云邇來俄國勢日強大調兵遣將日夜不遑似將有事於南方也者聞所調之兵其行營餉項均照在本國者加半發給刻下西卑利亞沿岸一帶兵丁駐紮不啻蟻聚蜂屯蓋自去歲調遣以來迄今共有步兵十九大隊戈什兵一大隊工兵一大隊要塞步兵五大隊要塞工兵一中隊島森里騎兵八大隊炮兵八大隊烏森里鐵道兵一大隊要塞水雷兵二大隊共計兵丁二萬名又有快槍一萬九千枝大炮五十二門馬一千七百匹此外黑龍江內有馬兵步二千餘名在彼屯紮又以保護鐵道為名在吉林滿洲境內四處散屯今聞又借吉林之北山炮臺駐兵數百名日夕操練似此秣馬厲兵不遺餘力中國大局真有岌岌可危之勢不知衮衮諸公其將何策以禦之

試辦印花稅 ○出使美日秘大臣伍秩庸星使奏請做照外洋各國印花稅票之例以濟國用奉 旨交總理衙門議覆具奏茲總署王大臣議先就各省通商口岸飭海關道會同各海關稅務司先行試辦如將來辦有成效於小民生計無所窒礙而於國用確有裨益再行將內地各省推廣業經奉 旨允准由總署行知南北洋通商大臣并沿海督撫一律遵照辦理矣

不知所對 ○北京友人來函云去月二十二日 皇上召見了給諫之杖問及外國情形倉卒之間給諫不知所對移時上面誠之曰時務書不可不讀 聖人于殷殷勸學之心不於此可見哉

日相行程 ○東京友人來函云伊藤侯於東歷七月二十五起節由大磯岐阜出金華山上海板赴神戶須磨等處再至嚴島由馬關抵長崎後乘輪直省釜山仁川至韓京後復返仁乘船至中國烟台天津出山海關閱鐵路後再至天津入北京謁見傅相復由大沽赴上海溯江而上察看沿江要隘至宜昌為止再由原路回上海經至香港廈門等處游歷

俄人興工 ○平莊來信云俄人在相近寧家墩河濱購一極大地基其地離租界甚近故欲築造碼頭及棧房俄人竭力興造不論費用之多少祇欲趕緊造成定於明年開河前一律竣工譯字林西報八月十一號

日俄立約 ○自中東戰罷韓日形勢弱而俄國竭力保護使為自主之國當一千八百八十六年韓皇曾函請俄皇遣發練軍理財之人前往勦助今韓勢似蒸蒸日上於是日人心懷妬忌亦借保護為名欲與俄人爭權俄人迫於公法不敢不允聞俄國全權大臣陸曉與日人全權大臣列思於東京訂立草約三條一自立約之後俄日二國皆認韓為自主之國不得干預內政二如韓國為練軍理財等事欲延請他邦人才不論俄人日人二國未經妥議不得擅遣前往三日人之經商於韓者有自主之權俄人不得干預於一千八百九十八年四月廿五號兩國已互蓋國璽云

詳臬二案則 ○本屆臬堂案目昨日列登茲悉二十日巡理府堂復有詳臬案件二則亦於本期在臬署集訊然則本屆詳臬之案共有十九起之多茲再將此二案補錄左方以供眾覽 粵人林亞乙控告閩人高代攔街搶物據供十七晚携有綢衫一件至二馬路大昌典肆付質因議價不成故復携衣而出詎行未數武即被高等二人將衣搶去爰即鳴捕將高一名截獲餘二人則已被其遁脫云云府憲訊畢判將案詳解臬堂審訊又粵人李亞炎住居丁路某屋中去月二十三早忽持刀自割其喉幸為同居見而搶救故得傷而未斃爰即赴案報聞將李送往西醫院中調治現在已經痊愈故將其解送府堂同日府憲訊畢亦照例判詳臬堂核奪

傷人案錄 ○慕娘船澳有木匠魏亞作周亞生二人於十八日因爭競器具之故因而相鬥詎魏竟以鐵鑿將周刺傷時有三人集而相勸詎均被魏刺傷嗣經鳴捕將魏執獲將傷者四人送至西醫院中調治

溺水遇救 ○閩人呂某昨駛中紅由龍牙抵叻據稱十二日道經三務海面見有一人手抱片板浮沉水中將其援起訊問情由據言係粵人黃亞和向在某中紅充當水手初九夜因登桅收帆被風捲下水中幸持板片得以暫浮云云嗣由呂為之給食易衣載送來叻黃乃拜謝救命之恩而去

黃堂理訟 ○粵婦黃亞三昨赴府堂請票控伊宗人黃玉獅於案據稱住居梧槽吊橋前十七日偶因細故被玉獅將其毆打云云二十日府尊提訊畢判罰玉獅銀十元無銀改禁十四日○潮人王亞立控告客人陳亞宗入其屋內竊去銀鎖匙練一條適被遇見乃鳴捕將其執獲云云同日府尊訊畢判陳監禁四十二日另笞十藤以示重儆○閩人陳利控告潮人陳亞發云住居小坡打鐵街十九夜被陳潛入其家竊去破碗一百二十隻因鳴捕執之云云同日府尊訊畢判罰銀三元示儆○第四十九號孟買差於十九日在舊巴剎前當值時有粵人黃亞定水脚園街亂打行人因被值差所獲同日府尊訊畢判各罰銀三元示儆○第四十九號孟買差於十九日在舊巴剎前當值時有粵人黃亞定携一衣箱乘坐三板登岸瞥見差面忽有驚惶之色差異而搜之則箱內有烟灰三罐共重一百七十兩之多差乃將黃執送案中同日府尊訊畢判罰黃銀五百元無銀改禁一年示儆○前報淡申路彌千間開設烟廊之閩人林水携有十元之銀紙至烟公司購烟因被察出係為假偽爰將林執交巡差解案一事昨復經太守提案審訊據林供此銀紙係由外間携來找鋪之物實不知其真偽云云太守訊畢以其言尚可信因命將林省釋

陝西武備學堂章程 ○順天府尹胡燏棻原奏各省會設大學堂府廳設中學堂州縣設小學堂部議則令每省設武備學堂一區意在節經費而開風氣陝西風氣未開經費尤絀辦法自以簡易為主然僅於省城立學各州縣有遠在千餘里之外者必不能躡遠來若令其在家肄習既無師承又無查考實難期其有成下屆用新章取士必至赴考窮黎不敷取中如額今擬於西安省城設總學堂一處於同州鳳翔漢中延安各府各就地籌修學堂一處凡武舉武生武童願學者各詣本籍地方官報名申送附近學堂肄習其未設學堂之處如有士紳情願贖資開廠購械延師在家教練者准其遵照部章辦理一省城總學堂規模較鉅應照關中書院之例通省武舉武生武童均准入堂學習各府廳州縣願學者由本籍申送到省先行甄別一次考取者為正課為附課不列名而願留省肄習者聽之正附課各六十名畧仿書院膏火之例月給贖銀若干其贖銀之多寡應俟經費籌定後酌量定擬又附課無贖銀每月官操一次自巡撫以至首府輪流閱看優者捐廉給獎劣者降黜其四府分設之學堂考校贖獎之法與府學同額贖銀視經費之盈絀為差惟捐建之始悉由本地籌款他屬士子來學者一體給予獎贖則五郡之人必有煩言應令不設學之府州縣酌量捐資輸助如南山之漢中設學則令與安協助北山之延安設學則令榆綏鄜協助鳳翔設學則乾鄜協助同州設學則商州協助不入資者不得入堂考課特入資以樂輸為準亦不得勒捐求多一武科改革重在易弓箭為槍炮然專以打靶為事則秦中官弁勇丁儘有能者勿須借才異地矣不知既立學堂若籌經費豈止求得兵弁之才要須講求輿圖天算測量諸學實盡究習操場之功課方足以宏造就而得英才擬於南北洋學堂中先行調取精通西洋戰法兼工輿圖測算諸學者二人作為總學堂正副教習正教習月給薪水六十金副教習月給薪水三十金歲終核計工課以學生用功之勤惰或才之多寡遲速定教習之考成以其受益宏多請三年優保一次如教練無方即行咨回原省如是教習無不盡心而學生方能求益學堂諸生以多識字通文理能學習測量算法者為上等月餉最優或素未讀書而心思靈敏膂力過人槍炮有準者次之身強質魯勉從軍者又次之如或不愛約束或不勤操練或沾染嗜好查出立行斥逐以肅堂規外府分設各學堂經費未必充足或即在武營官弁內酌延精於槍放馬步洋槍炮者作為教習其薪水可以稍省至教練考試之法仍與總學堂同若各該守牧等能寬籌經費情願延訂名師教以測身諸學者准由各府稟請咨調其月餉保獎亦與總學堂同

承頂聲明 ○啓者實叻大坡舊巴剎馬路階後門牌一百一十八號榮發興號戴德水目丁酉年七月初一日與廈門梅圃號謝勳楚合夥什貨生理至此戊戌年陸月廿八日梅圃號謝勳楚志圖別業即今請公人藏與 成源 悅來 李塔舍四位老爺秉公清算所有本利銀項一概當堂交還謝勳楚明白日後生理盈虧不干謝勳楚之事其所有與人賒借以及各事概為經手是問不干發與戴德水之事先此聲明免滋後論 大清光緒二十四年七月十八日 戴德水謹啟

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售 光緒廿四年七月十八日 啟

廈門平糶局公啟 ○公啟者近日外間頗有煩言謂本局所辦寄廈平糶之米有參差之處并有無端加以想像之語謂購辦米石者所獲之利竟至萬有餘金此說甚駭聽聞實不得不澈底清查以歸公當故本局同人等於本月十一日集眾公同查核因查得承辦米石之源或順號歷屆所辦之米尚無弊混均有簿據及往來單件為憑經由本局同人逐條詳查數皆符合惟最後一次所辦仰庄白米一千四百包則委有不符之處因此米內攪雜半港之米竟至過半之多是緣該號東人并未在店司理而其任事人等一時不察竟任店伴冒昧為之茲經查確此事悉與該號東主及豐揚輪船諸人無干但該號既有此失亦不能不酌量處分以昭至公除查確該號此次所辦之米獲利三百八十餘元提出充公并承還豐揚輪船此次駁回米石六十三包餞費外另着該號再交出銀一百元撥入本局以充善款此乃集眾公同議定無黨無偏用將其事刊列報中俾眾周知以昭清白焉 廈門平糶局駐叻籌捐董事公啟 大清光緒廿四年七月十五日

**退股聲明**  
 ○啟者新嘉坡吉甯街門牌第十號萬福和客棧生理自甲午年集股開張今因田森和 梁采濱 熊翼亭三人志圖別業原將各名下股份抽出退與陳玉堂承受經請公親饒子煥 許重光仁翁駕臨將該股份銀項交割明白至前公舉熊翼亭司理各事今將全權改交陳玉堂司理倘有揭借滙認等項惟向經手是問而該客棧日後生理盈虧不干田森和 梁采濱 熊翼亭三人之事特此聲明以免後論此佈  
 大清光緒二十四年七月十四日  
 新嘉坡梁采濱 田森和 熊翼亭全謹啟

**檳榔嶼華商捐助廈門平糶芳名錄**  
 ○啟者茲接檳城善翁黃進聰 林花鐸 邱增妙 邱衡赤 林玉衡諸君經勸廈門平糶緣款用將捐冊照登如左

開恒美號捐銀四百元	林容紳翁銀三百元	羅廣生號銀二百元	鄭慎之翁捐二百元	新益興一百六十元
瑞福號銀一百六十元	和利昌一百五十元	朱寶蘭一百五十元	萬得豐一百二十元	王珍祥捐銀一百元
順昌號捐銀一百元	順泰號捐銀一百元	興利號捐銀一百元	萬裕興捐銀一百元	羅茂生捐銀一百元
李清珍翁捐銀一百元	榮順號捐銀六十元	福萬源捐銀六十元	成榮德捐銀六十元	林恒茂捐銀六十元
萬永裕捐銀五十元	利貞號捐銀五十元	榮棧號捐銀五十元	陳和盛捐銀五十元	陳廣順捐銀五十元
邱成德捐銀五十元	林克全捐銀五十元	孟記號捐銀四十元	裕生春捐銀四十元	慶源號捐銀四十元
晉昌號捐銀四十元	合興號捐銀四十元	錦昌號捐銀四十元	福祥號捐銀三十元	英才號捐銀三十元
廣源利捐銀二十元	華興號捐銀二十元	永安和捐銀二十元	福利號捐銀二十元	福南號捐銀二十元
新瑞美捐銀二十元	順德號捐銀二十元	聯和號捐銀二十元	榮春號捐銀二十元	協發號捐銀二十元
榮興號捐銀二十元	集福號捐銀二十元	復崇號捐銀二十元	萬興利捐銀十五元	龍源號捐銀十二元
萬吉號捐銀一十二元	三合源捐銀一十二元	成利號捐銀一十二元	裕昌號捐銀一十二元	永萬豐捐銀一十元
晉豐號捐銀一十元	新華昌捐銀一十元	承聯昌捐銀一十元	胡成啟翁捐銀一十元	永和號捐銀一十元
永裕昌捐銀一十元	藏德號捐銀一十元	林清港捐銀一十元	恒和號捐銀一十元	忠源號捐銀一十元
捷成號捐銀一十元	正同號捐銀一十元	洽泰號捐銀一十元	美源號捐銀五元	計八十二條共銀四千五百二十二元

大清光緒二十四年七月十七日  
 廈門平糶局駐叻籌捐董事公啟

**大荷蘭總領事示**  
 ○大荷蘭國駐叻總領事府爾城 為招充豬碼事照得本國家現欲將蘇門答臘東境一帶之豬碼招商承辦而望加麗及打棉香等處不在其內此碼定於西實添末月十號即華七月廿五日禮拜六在日裡之棉蘭地方出投此碼或止承一千八百九十九年一載之期或承至一千九百年及一千九百零一年三載之期均無不可汝等有志承充者其如期前往投充可也特諭  
 西一千八百九十八年八月二十一號 示

**火船出投**  
 ○啟者茲定於西實添末月十五號即華本月三十日禮拜四上午二點鐘在本館內拍賣火船二起 其一火船一隻名曰新萬裕其船長有二百零五英尺闊二十七英尺八寸因脂深十五英尺五寸因脂堪載九千五百担此船現在常川往來閩浙嗎辰實叻等處其二火船一隻名曰新北加且長一百五十二英尺闊二十三英尺深十二英尺堪載七千五百担該船現亦常川往來閩浙嗎辰實叻等處諸君有欲知其詳細可檢閱英字拍賣章程便得特此佈 聞  
 大清光緒廿四年七月初拾日 大英一千八百九拾八年八月廿六號 巴越館主告白

**涇渭攸分**  
 ○竊聞砥礪足以亂玉魚目亦可混珠自來以偽亂真每致白為皂染荷不速明其梗概恐將莫辨其是非如我恒昇號開張二馬路馬交街口門牌三十六號開設以來久經寒暑素為坡中殷戶所深信而所製金銀珠寶各款首飾均足以足金造就又花樣翻執以至垂青者源源而至蓋由託業雖微而心存忠信不欺童叟因之遠近咸知詎昨有馬福一一流行險能伴到敝店打去金鑲嵌六款獨一對旋將包在金內之鑲嵌去復將鉛納於空處以實之携往大昌典當冀可以售其偽希獲多資豈知典夥精明立刻拿留即往報案詐由 府堂明鏡高懸訊定判將棍徒繫獄以警效尤敝號聞之且恐且快蓋恐者恐人疑及敝號果有串棍欺人加以素有與敝號參商者幸災樂禍讒言惑眾不知者被其朦蔽使敝號中懷蘊蓄屈而莫伸所快者該棍徒不冒他人而冒敝號者足見我號人皆信重不待言也今者事既分明則敝號受此汚名亦已水清石現用敢特為佈告借鑒前車無論典庫中人及坡中商戶務必認明敝號圖記與眾不同庶不致再被棍徒所欺又免為讒言所惑也實所厚望謹此佈 聞  
 大清光緒二十四年六月十九日 石叻恒昇號謹啟

藥店召頂 ○啓者茲有藥店一間生理尙堪過得祇以該店主人事務太煩不能顧及今欲將此店頂與他人承受有合意者請至叻報館面詢便得 光緒二十四年七月初三日 叻報館代啓

**新到上等機器油**  
啓者茲本行有新到之機器油一種此油乃上等之貨所有輪船火礮火鏢及一切機器如用此油者較於卑麻油實有過之且其價值較卑麻油爲廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告  
大英一千八百九十八年八月十八號  
時雨軒主人謹啓

**時雨軒藥酒發售**  
蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醞釀故其奏功甚速迥與別家不同即如道風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角及婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在芙蓉埠廣生號寄售 一在吉隆坡恒棧號寄售  
大清光緒廿四年六月廿九日 時雨軒主人謹啓

**火柴**  
啓者本號親自督辦孔明圖及五福標火柴二種來叻發售其火柴藥料精美歷久不潮實爲上等履荷 諸君光顧咸已蒙獎譽乃有聞近無恥之徒假冒本號孔明圖及五福標兩庄火柴以低偽之貨售於市上本圖魚珠之混此等所爲祈堪痛恨除嚴密訪查控究外用特佈明其事 諸君購用此兩庄火柴者殊爲細辨庶免爲偽貨所欺然若能知偽冒此等火柴之人者懇即 玉臨本號報明以憑控究訊實之後即當從重酬謝決無食言再本號仍有選辦孔明坐車標紅烟出售特此佈告  
光緒二十四年二月二十四日  
二馬路新巴虱口孔明齋謹啓

**新印地圖**  
啓者茲有新印之臺灣地圖精細異常經緯度數井然不紊所謂羅干里於咫尺者目今台事戰爭未已有正人心所宜地圖亟爲攷究者 諸君賜顧請移玉至本館面商可也  
大清光緒二十四年五月十三日 本館謹啓

**豐源號**  
本號輪船往來各埠船期開列如左 在各埠往實叻日期  
由麻六甲往芙蓉每逢禮拜二六日中午十一點鐘開行  
由各埠回實叻之日  
由麻六甲回芙蓉每逢禮拜二五日上午十點鐘開行  
各輪船在叻往麻六甲吉隆坡實蘭午 等禮拜五日三點鐘開行特此佈

**正呂宋烟發客**



啓者本號親自在小呂宋採辦意未申拿廠揀選正地烟葉製造各款星架坡仙花雙馬麥呂宋烟枝經已馳名中外其雙馬麥中更有二百庄白結度經尤爲冠美氣味香順蒙採客留心細察庶免魚目混珠今在新架坡馬交街門牌第四十三號並承辦各款呂宋烟發行貨真價實最屬相宜以圖久遠諸君光顧請移玉到本號面議示禱各款麥頭太多不能盡錄謹此佈 聞  
光緒廿三年九月二十四日  
新嘉坡馬交街生昌泰謹啓

**實知賓西醫鑲牙告白**

啓者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲安如鑲全副者乃用最新之法其齒自能嵌固勝於舊法用彈弓者多倍又能以電氣參入醫道以醫脚風骨痛現再究得新法能治肺疾及風濕疼痛骨節堅強等症并爲烏里燕達性命保險公司代理華人性命保險之事 諸君賜顧請至末得里路第六號門牌樓上面商爲盼  
大英一千八百九十八年六月二十八號  
牙科醫生實知賓謹啓

在實叻往麻六甲每逢禮拜一五日下午四點鐘開行  
由芙蓉往吉隆坡每逢禮拜二六日下午六點鐘開行  
由吉隆坡回芙蓉每逢禮拜二四日下午四點鐘開行  
由麻六甲回實叻每逢禮拜二五日下午四點鐘開行  
豐源號謹啓

正金鐘標萬蘭池酒發客



啓者本公司所督辦正金鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華商諸君有欲零沽者請至酒公司沽買便得如買成起以便配往外處者仍可至本行沽買至此酒

所上有各票如無本行不殺呼峇華字者即爲假貨幸勿爲之誤買本行有厚望焉  
大英一千八百九十八年正月十三號  
不殺呼峇即前加珍洋行謹啟

製法之法  
精妙異常  
酒味甚清  
以之蒸釀  
者皆爲上  
等之料保  
無偽充之  
弊此酒若  
在本坡沽  
飲甚屬合  
宜且價亦  
其廉諸  
翁沽用須  
爲留心辨  
明以免魚  
珠之混現  
在市上假冒者甚多以  
不殺呼峇即前加珍洋行謹啟

紅首冠仔標萬蘭池酒出售

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熟氣概已全消所以諸君沽飲者均深譽譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混此所切盼




Bisquit Dubouché & Co.  
COGNAC

啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊習人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻而且異常堅固無論火燒盜劫均可無虞貨美價廉莫此爲甚倘君有欲購此廚以收藏重寶者可至本行選閱是幸此佈  
大英一千八百九十八年正月十三號  
不殺呼峇公司即前加珍洋行啟

戊戌年月份牌發客

啓者本館新印戊戌年華英月份牌現經告竣至本年刷印所以畧遲之書實緣明年晦朔節氣頗有參差本館鑒於前年叻地諸家之誤故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副諸君子惠顧之殷至於圖畫之式亦已概改舊觀以期一新眼目諸君賜顧請移玉至本館面議價其相宜倘欲躉買更當格外從廉特此奉聞諸惟 惠照  
本館謹啓


鐵廚出售



啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊習人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻而且異常堅固無論火燒盜劫均可無虞貨美價廉莫此爲甚倘君有欲購此廚以收藏重寶者可至本行選閱是幸此佈  
大英一千八百九十八年正月十三號  
不殺呼峇公司即前加珍洋行啟

馳名鐵廚發售

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購買此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

三品出售

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟



烏密酒發賣




啟者本行向由英國督辦各種美酒來叻發售久已遐邇馳名茲復由英新辦到頂爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟




啟者茲本公司親由法國督辦頂上如萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

蜜酒發賣



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟





# 光緒三十四年七月二十二日 滙票行情 助報刊

舊烟土	無貨	新烟土	七百二十七元
上甲錫	四十三元六角二占半	叻烏椒	廿三元七角半
叻甘蜜	五元四角	叻白椒	四十二元半
足金每望葛	七十八元	叻青每担	四元五角
呂宋青每担	五元七角半	吧青每担	四元五角
金盾行情	金盾一個		十元零四角
印度盾	一百元兌		一百四十九盾
爪亞盾	一百元兌		一百十九盾
滙票行情	銀行利息		九八仙

滙香港	銀行現銀票一百元銀行	一元
滙厦門	銀行現銀票一百元銀行貼出	一元
滙加勝巴	銀行現銀票一百元銀行貼出	一元
滙泗里末	銀行現銀票一百元值	一百十七盾
滙三寶瓏	銀行現銀票一百元值	一百十七盾
滙望加錫	銀行現銀票一百元值	一百十七盾
滙井里汶	銀行現銀票一百元值	一百十七盾
滙仰光	銀行現銀票一百元值	一百十七盾

滙加里吉	打銀行現銀票一百元值	一百四十六盾半
商人三十日期票		一百四十七盾
滙上海	銀行現銀票	一百五十二盾
商人三十日期票		七十三兩
滙商人三十日期票		七十六兩

## 火 船 開 行

麻六甲	萬興源輪船	廿一日	下午三點	豐源號
芙蓉	吉龍	又	又	又
檳榔嶼	班呂亞輪船	廿一日	下午四點	莫實德洋行
仰光	加里吉打	又	又	又
文島	網甲	廿一日	下午四點	瑞記號
巨港	又	又	又	又
香港	威珍目輪船	廿一日	上午十一點	明嗎也洋行
日本	又	又	又	又
峇株巴葛	蘇且那輪船	廿一日	下午二點	開源行
麻六甲	巴吧勝輪船	廿一日	下午三點	祥源號
泗水	順安輪船	廿一日	下午四點	順源棧
安班蘭	峇釐望加錫	又	又	又
加勝巴	亞馬勝輪船	廿一日	下午四點	莫實德洋行
三寶瓏	泗水	又	又	又
嗎辰	萬隆	廿二日	下午四點	益隆棧
荖律	高低	又	又	又
香港	豐隆	廿二日	下午四點	豐源號
汕頭	廈門	又	又	又
泗水	棉嘉利實達輪船	廿二日	下午四點	豐源號
峇釐	安班蘭望加錫	又	又	又
麻六甲	麻六甲輪船	廿二日	下午四點	實得力公司
吉龍	大白蠟	又	又	又
加勝巴	仰安輪船	廿二日	下午四點	山仰公司
三寶瓏	井里汶	又	又	又
蘇坡	依沙嗎勝輪船	廿三日	下午四點	豐源號
香港	浮羅般治輪船	廿三日	下午三點	瑞泰號
檳榔嶼	不憐示亞兒連輪船	廿三日	下午三點	逸旦弟利士
荷禮禮	又	又	又	又

前途來電云英國郵船名舟山於本月十八日由香港啓程來叻定於本月廿三日禮拜四即能抵叻上落客貨畢即往歐洲等處矣